

古昔諸仙嘗所遊復我昔尋行旣尋行已曾

見老死見老死集見老死滅見於老死趣滅

行跡如是曾見生有取愛受觸六處名色識

行曾見行集曾見行滅曾見於行處趣滅行跡

我於此法自然通達現等覺已告諸苾芻諸

苾芻尼臘波索迦臘波斯迦及告種種外道

沙門諸婆羅門雜出家類無量大眾是諸苾

芻若於此中能修正行成能證者便能證得

正理法善諸苾芻尼臘波索迦臘波斯迦無

量大眾若於此中能正修行成能證者便能

證得正理法善如是乃能增廣梵行亦當饒

益無量衆生爲諸天人正善開示時諸苾芻

及諸菩薩摩訶薩等無量大眾聞佛所說歡

未曾有皆大歡喜信受奉行

緣起聖道經：

佛說稻芊經

失譯附東晉錄

如是我聞一時佛住王舍城耆闍崛山中與
大比丘衆千二百五十人俱及大菩薩摩訶

薩衆尔時尊者舍利弗往至弥勒經行處其

彌勒舍利弗俱坐石上尔時尊者舍利弗問

彌勒言今日世尊覩見稻芊而作是說汝等

比丘見十二因緣即是見法即是見佛尔時

世尊作是說已嘿然而住彌勒世尊何故說

是修多羅復以何義說見十二因緣即是見

法見法即是見佛皆以何義作如是說云何

是十二因緣云何見因緣即是見法云何見

法即是見佛

余時彌勒語舍利弗言佛世尊常說見十二
因緣即是見法見法即是見佛十二因緣者

無明緣行行緣識識緣名色緣六入六

入緣觸觸緣受受緣愛愛緣取取緣有有緣

生生緣老死憂悲苦惱衆苦聚集爲大苦陰

作因緣是故佛說十二因緣云何是法八正

道分及涅槃果如來略說是法云何是佛能覺一切法故名爲佛若以慧眼見真法身能成菩提所學之法云何見十二因緣即是見法云何見法即是見佛佛作是說十二因緣常相續起無生如實見不顛倒無生無作非有爲無住無爲非心境界寂滅無相以是故見十二因緣即是見

見十二因緣即是見法常相續起無生如實見不顛倒無生無作非有爲無住無爲非心境界寂滅無相以是故見十二因緣即是見無上道具足法身

尊者舍利弗問弥勒言云何名十二因緣弥勒答言有因有緣是名因緣法此是佛略說因緣相以此因能生是果如來出世因緣生法如來不出世亦因緣生法性相當住無諸煩惱究竟如實非不如實是真實法離顛倒法復次十二因緣法從二種生云何爲二一者因二者果因緣生法復有二種有內因緣有外因緣外因緣法從何而生如似種子能

大易經三經

十一

本

生於芽從芽生葉從葉生莖從莖生穗從穗生華從華生實無種子故無芽乃至無有華實有種子故芽生乃至有華故果生而種子不作是念我生芽芽亦不作是念我從種子生乃至華亦不作念我生實亦不作念我從華生而實種子能生於芽如是名爲外因生法云何名外緣生法所謂地水火風空時地種堅持水種濕潤火種成熟風種發起空種不作郭礙又假於時節氣和變如是六緣具足便生若六緣不具物則不生地水火風空時六緣調和不增減故物則得生地亦不言我持水亦不言我潤火亦不言我成熟風亦不言我發起空亦不言我令生種亦不言我從六緣而得生芽芽亦不言我從余數緣生雖不作念從余數緣生而實從衆緣和合得生芽亦不從自生亦不從他生亦不從自他合生亦不從自在天生亦不從

時方生亦不從本性生亦不從無因生是名
生法次第如是外緣生法以五事故當知不
斷亦非常亦不從此至彼如芽種少果則衆
多相似相續不生異物云何不斷從種芽根
莖次第相續故不斷云何非常芽莖華果各
自別故非常亦不從種滅而後芽生亦非不
文見多等三經

根

滅而芽便生而因緣法芽起種謝次第生故
非常種芽名相各異故不從此至彼種少果
多故當知不一是名種少果多如種子不生
異果故名相似相續以此五種外緣諸法得
生內因緣法從二種生云何爲因從無明乃
至老死無明滅即行滅乃至生滅故則老死
滅因無明故有行乃至因有生故則有老死
無明不言我能生行行亦不言我從無明空
乃至老病死亦不言我從生生而實有無明
則有行有生則有老死是名內因次第生法
云何名內緣生法所謂六界地界水界火界
風界空界識界何謂爲地能堅持者名爲地

界何謂爲水能潤漬者名爲水界何謂爲火
能成熟者名爲火界何謂爲風能出入息者
名爲風界何謂爲空能無障礙者名爲空界
何謂爲識四陰五識亦言爲名亦名爲識如
是衆法和合名爲身有漏心名爲識如是四
陰爲五情根名爲色如是等六緣名爲身若
六緣具足無損滅者則便成身是緣若滅身
則不成地亦不念我能堅持水亦不念我能出
濕潤火亦不念我能成熟風亦不念我能出
入息空亦不念我能無障礙識亦不念我能
生長身亦不念我從余數緣生若無此六緣
身亦不生地亦無我無人無衆生無壽命非
男非女亦非非男非非女非此非彼水火風
乃至識等亦皆無我無衆生無壽命乃至亦
非此非彼云何名無明無明者於六界中生
一想聚想常想不動想不壞想內生樂想衆
生想壽命想人想我想我所想生如是種種
衆多想是名無明如是五情中生貪欲瞋恚

想行亦如是隨著一切假名法名爲識四陰爲名色陰爲色是名名色名色增長生六入六入增長生觸觸增長生受受增長生愛愛增長生取取增長生有有增長故能生後陰爲生生增長變名爲老受陰敗壞故名爲死能生嫉執故名憂悲苦惱五情違害名爲身

具多等三經文

十四

下

苦意不和適名爲心苦如是等衆苦聚集常在闇冥名爲無明造集諸業名爲行分別諸法名爲識有所建立名爲名色六根開張名爲六入對緣取塵故名爲觸受覺苦樂故名爲受如渴求飲故名爲愛能有所取故名爲取起造諸業故名爲有後陰始起故名爲生住世衰變故名爲老最後敗壞故名爲死追感往事言聲哀感名爲憂苦事來逼身名爲苦惱追思相續故名爲悲煩惱纏縛故名爲惱邪見妄解名爲無明以此邪解起於三業故名爲行善惡等業能受果報故名爲識從汚穢無記業生汙穢無記識不動業生不動

識從識生名色從名色生六入從六入生觸從觸生受從受生愛從愛生取從取生有從有生生從生有老死憂悲苦惱彌勒語尊者舍利弗十二因緣各各有果非常非斷非有爲不離有爲非盡法非離欲法非滅法有佛無佛相續不斷如何駛流間無絕時

下

下

余時彌勒重語尊者舍利弗十二因緣各各有因各各有緣非常非斷非有爲不離有爲非盡法非離欲法非滅法有佛無佛相續不斷如河駛流間則無絕能以四緣增長十二緣何等爲四無明愛業識識爲種體業爲田體無明愛是煩惱體能生長識業爲識田愛

具多等三經文

十五

下

爲潤漬無明覆植識種子業不作念我能生識種愛亦不作念我能生潤漬無明亦不作念我能覆植識種識亦不作念我從余數因緣生復次業爲識田無明爲糞愛水爲潤便生名色等芽而名色芽亦不從自生亦不從他生亦不從自他合生亦不從自在天生亦不

從時方生亦不從體生亦不無因緣生復次欲樂父母精氣衆緣和合故生名色芽無主無我無造無壽者猶如虛空如幻從衆因緣和合而生復次尊者舍利弗眼識從五因緣生云何爲五眼色明空作意識便得生眼識依眼根以色爲境界緣明以爲照虛空不作鄣礙作意起發故生眼識如是衆緣若不和合眼識則不生而眼識亦不作念我能作體相色亦不作念我能作境界明亦不作念我能照了空亦不作念我能無礙作意亦不作念我能發起眼識眼識亦不作念我從余數緣生如此眼識實假衆緣和合而生如是次第諸根生識亦如是說

復次舍利弗無有法從此世至他世但業果莊嚴衆緣和合便生又復舍利弗譬如意鏡能現面像鏡面各在異所而無往來物見同處又復舍利弗如月麗天去地四萬二千旬水流在下月曜於上玄象雖一影現衆水

月體不降水質不昇如是舍利弗衆生不從此世至於後世不從後世復至於此世然有業果因緣報應不可損減復次尊者舍利弗如火得薪便然薪盡則止如是業結生識周遍諸趣能起名色果無我無主亦無受者如虛空如熱時炎如幻如夢無有實法而其善惡因緣果報隨業不亡又復尊者舍利弗內十二因緣亦從五因緣生非常非斷不來不去因少果多亦相似相續次第而生云何非常一陰滅一陰生滅非即生生非即滅故名非常云何不斷如秤高下此滅彼生故名不斷如實知見云何不來不去無有子去而至

卷之三

十六

那

於芽亦無芽來而趣子所以是緣故無有從此至彼然實以少種能生多果云何相似而生如不善因生不善果如善因生善果以是故名相似相續而生又復舍利弗如佛所說能觀十二因緣是名正見若正觀十二因緣者於過去身中不生有想於未來身中亦不

生無想衆生爲從何來去何所至若沙門婆

羅門及世間人成就諸見我見衆生見命見

丈夫見吉不吉見如是十二因緣如多羅樹

剪滅其首更不得生我見則除若人正見十

二因緣若得如是思心尊者舍利弗若有衆

生能思是法此多陀阿伽度阿羅呵三藐三

佛陀善逝世間解調御丈夫天人師佛世尊

必爲授阿耨多羅三藐三菩提記尊者舍利

弗聞弥勒作是說已歡喜而去天龍夜叉乾

闍婆阿脩羅及諸大衆頂禮弥勒歡喜奉行

佛說稻芊經

女二

華亭縣長人鄉十六九乙保白砂高昌等居住奉
佛弟子張道明姜延六娘姜三十二娘顧九娘李三娘龔五娘陳八娘夏七娘
七娘范七娘張五娘曹九娘張五娘計四十五娘何四乙娘蔡八娘顧六娘余十一乙
娘張八娘王乙娘陳五娘潘乙娘華十三娘李七娘茹四娘劉四娘嚴三娘沈十三
娘沈十七娘姜四娘瞿三娘蘇九娘朱十娘王三娘張十三娘沈四娘范六娘張平
乙娘袁十二娘注百二娘沈乙娘徐九娘唐三娘李八娘曹七娘錢二十娘劉十九
娘殷十二娘吳九娘陳十五娘黎黎寺地此經緣客施淨財恭入延聖寺院大殿經行
刊稻芊經卷所集功德各保無安平善來大吉祥他報之中三嚴俱備者
日奉佛弟子高昌等謹題
淳祐元年八月
幹經僧

佛說十二因緣經

亦云貝多經

樹

十七末

下思惟經

題

第

咄

反骨塗

七焰

詛黯義

緣起聖道經

聖教序

在前

徑

聲

一路

稠林

直留

反多

歎然

忽起

上許勿

鬼也反

郭

字下郭

稻幹經

或作稻

稻

反

芊

古罕

穗稽遂駛流

上史使

疾流

也

緣起聖道經

聖教序

在前